



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
28 di mart 2014	Jhanirha Anita	jhanirha.anita@gobiernu.cw	

INVITASHON SPESHAL PA HABITANTENAN DI GROOT SINT JORIS I BISINDARIO! TA BAI KUMINSÁ DRECHA KAMINDANAN DI TERA DEN BARIO

Willemstad – Minister Balborda huntú ku Servisio pa Obra Públiko ta invitá pueblo di Kòrsou kompletu pa inisio di e proyekto pa drecha kamindanan di tera den bario. E tipo di proyektonan aki tin komo meta pa alsa kalidat di bida i minimalisá molèster di stof den bario. Akto di inisio ofisial ta tuma lugá djaluna dia 31 di mart próksimo pa 4or di atardi na Groot St. Joris.

E proyekto lo konsistí di 2 tipo di trabou; 1) asfaltá kamindanan di tera i 2) renobá kapa di asfalt riba vários kaya. A kuminsá na Groot St. Joris i despues ta sigui den otro bario manera entre otro na Saliña, Doksterstuin, Buena Vista, Sta. Maria i Groot Sta. Martha.

Minister Balborda ta spera di por konta ku presensia di un i tur pa e akto speshal aki. Pa mas informashon por yama na number di telefon 465-1477.